

眞寶李氏世譜重刊後序

吾李之有譜自陶山譜始蓋是時陶山文集刊訖咸曰夫子之道孝悌而已今集已成譜可已諸謹考夫子手錄譜系與蒙齋先祖續撰譜略更傳誦廣輯其義例謹嚴倣程朱氏世譜源流圖編成而鈔于梓月川西厓先生主其議栢巖竹牖先生序其事東巖松溪松澗栢堂諸公實管其役此庚子譜也後八十九年戊辰譜出百九十九年戊午譜出惟陶山譜例是賦而尚以有或牴牾爲戒况今二百五十有餘年世代寢遠宗族益繁修此譜者尤豈不致慎也哉嗚乎我真城氏自密直使松安君善山公種德樹功肇基我門戶至判書公

孝友廉潔風勵叔世贊成公篤志鑽學啓發吾道松齋公之  
文章經術溫溪公之學行名節皆能以輝映國史昭垂家傳  
而我退陶夫子益大之倡孔孟程朱之學於海東千百載之  
後其道本之孝悌其文原於性理遠而旁達國中流布天下  
近而夫子之孫與族姓雲仍一家私淑代有聞人可歷數而  
言則今我同譜者孰非洙泗洛閩中人也譜旣成相與退而  
讀夫子之書講夫子之道推性理之原而務孝悌之本則當  
日陶山譜之心與文集並出者其義可知也得其義斯知所  
以勉矣何待區區序而識之哉詩曰夙興夜寐无忝爾所生  
又曰兄及弟矣式相好矣無相猶矣此彙寧所自勉而未能

者然譜之義恐亦不出於此更爲諸君子誦之主譜事者漢  
膺氏孝淳氏校勘彙寧一相肇淳氏彙載彙濬基永監董義  
淳氏耆淳氏進燮氏彙暲泰行濬永晚鹵泰魯亨夏鉉道夏  
也

上之十一年庚申仲秋日後孫通政大夫前行 經筵參贊

官彙寧謹序

譜者普也普該其族姓也夫繩其祖武謂之孝式好兄弟謂之友以親九族謂之睦斯乃人道之當然日用彝倫之不可闕焉者要在得諸心而善推其所爲而已何待於譜然竊思之吾李有姓來六百餘年千柯萬葉散在四方無以詳其瓜列逐其行第識其名面則至於吊慶欣憾之不與同固其勢也庸非可懼之甚哉惟此譜牒之出使攷据者一親疎該故實而知千柯萬葉之次乎一根則瓜列可詳行第可逐名面可識吊慶欣憾亦從以可勉而不爲途人之歸者豈在是矣此蘇氏所以有油然孝悌之感而吾譜之作亦不得已也嗚呼吾族之肇基如此其久而譜之作自陶山庚子而始至于

今年庚申廬有四焉則斯役之完亦吾族之好運會也以之  
而溯源達流以之而惇宗收族夫所謂孝友睦三者之資於  
譜者於是爲不淺矣若夫無得於心徒事攷据雖明統系講  
昭穆亦何益之有凡我同譜之人其各勉焉譜旣成謹書其  
所感於心者置之卷尾庚申南至月後孫資憲大夫原任刑  
曹判書兼知 經筵春秋館義禁府事五衛都摠府都摠管  
孝淳謹識

吾李之籍真寶始於麗末而盛於本朝密直公以後代有  
偉人而二世松安君以功顯五世松齋公策名登朝經術  
文學爲時名卿六世先祖文純公仲兄貞愍公金昆玉友大  
振家聲而文純公得聖賢之學於千載之後生於東國以士  
大夫名家者人人皆獲其賜况於吾宗乎文純公易簣三十  
年已亥遺書出與二程朱子書並行及門諸先輩皆曰夫子  
之道本於孝弟孝弟行於家而達於國中夫子之家可無譜  
乎遺書旣印又譜李氏族而印之此陶山庚子譜也其後再  
印而有戊辰譜三印而有戊午譜族益大譜法益備自戊午  
至今六十餘年又修而印之此當爲庚申譜也同譜者文純

公本孫傍裔凡二千八百餘人由是而條葉被澤傳於無窮  
爲萬爲億未可知也但始祖來幾世支分派別與時衰盛理  
也或有文學仕宦累世相繼或不幸沉淪而同爲洙泗家人  
其爲善者易以興讀書修行爲世推先有本故也禮嚴大宗  
小宗辨昭穆定尊卑程子曰管攝天下人心使人不怠本須  
是明譜系收世族立宗子法此譜之所以作也若宗支不相  
統貴勢交加好惡強弱遠近聲氣什百不齊而辨法壞門寢  
衰可不戒哉陶靖節贈族祖長沙公詩曰同源分流人易世  
疎感彼行路賸焉躑躅余誦而悲之書于此與吾同譜者勉  
焉庚申季秋後孫通訓大夫前行洪州牧使彙載謹識

眞寶李氏世譜重刊序

烏呼此文純公退陶先生之族譜也溯其源遠則松安君剋  
平紅賊名垂竹帛善山公紹開厥家世著勲庸贊成之劬躬  
樹德松齋之文雅風致溫溪之清德雅望皆輝映乎百代卽  
其瓜分而末繁則羽翼明廷出入焉啓沃潛德山林誦習乎  
詩書者代有達士聞人不但先生之子孫傍及於族姓雲仍  
錯落於井邑之間且不知其幾許人吁何其盛哉然由前之  
積勤種穫而以啓先生由後之垂裕貽謨而復有今日之盛  
則由是而先生之道可見也夫先生之日月于天星斗于東  
方者其道果何道也孝悌通于神明仁愛洽乎宗族發之爲

文章蘊之爲德學使斯世斯人受罔極之恩者皆自先生一身一家而推之也自一身之興仁而推之以千萬人自一家之興讓而推之以千百家則修先生之譜於今日者又豈亶一人一家之私而已乎程子曰管攝天下人心在於明譜系收宗族方今 聖明臨御治道久成家業修譜戶戶合族其亦世道之反瀉回淳轉移之一大機會也誠使世之執是役者義例欲其明白分注欲其簡當惇睦仁愛之意勿替乎古先嫡庶宗支之別無闕於遐邇則斯可以仰答 君師之教而爲一世之完譜不然者皆苟焉而已矣况先生之家譜乎先生之譜昔在萬曆庚子趙先生文集之成伊時月川諸先

生繼刊斯役先生之譜與先生之集並時而舉則此義已鄭重矣今日諸君子以月川當日之心爲心則後之覽是譜者驗先生家世積累之厚退而讀先生之遺文誦先生之遺訓皆可以興仁而興讓矣述道空陋無似何足當於執筆而平日樂先生之道有山仰沒齒之願故猥承諸君子之命敢終始言之願諸君子有以教之蓋舊譜凡若干卷而李原州令公始之一時諸賢若李公庭檜李公亨男李公有道繼之按兩先生舊序可考也其後李處士宗洙甫始發續成之論積精覃思編成十卷想其學力所到条理有可聞者而未及卒業此翁復作千古矣迺者前寢郎龜書氏士人繪鎮東龜蒙

鎮九甫重加讐校前寢郎鎮祐龜福生員有白寅天國僑鎮  
烈左右之以底于成皆舊譜中幹當諸公之曷來曾玄亦可  
見繼述之美而其板本則初用鐵鑄以字畫刊缺改用活字  
云

上之二十三年戊午仲春後學漢陽趙述道謹書

陶山舊譜序

禮曰尊祖故敬宗敬宗故收族凡收族之道必本於明其譜  
系故孝子慈孫之尊敬其祖宗者亦必撮其源派成一家之  
乘如歐陽蘇氏之爲者世多有之則氏族之有譜牒古也况  
亂離之餘族屬散落無所統攝而敦睦之義尤有所碍此真  
城族譜之必作於今日也盖眞城之李始貴於松安君而益  
大於退陶先生其間枝葉之繁俊彩之盛固未可屈指計也  
獨恨其世代漸遠而譜卷未完此清門之欠典也歲庚子春  
先生文稿刊畢先生之孫正郎詠道謀於族中蒐輯族譜並  
入於梓其姓孫李庭檜李亨男李有道等掌其役不閱月而

功告訖夫文集之成實盛舉而繼之以族譜則其所以尊先  
生者可謂備矣凡茲族系舊有撮記而失於疎略今皆廣問  
博訪必得其實雖世代有遠近族屬有內外而舉皆昭載於  
一編之中亦可謂能繼其先志者也是年夏正郎來屬於余  
曰族譜之刊已畢盍爲一言以叙其顛末耶余固知不敢爲  
正郎并以書懇之則又不敢不爲者存焉嗚乎積善之家必  
有餘慶此衆人之所常言者而舍是則無以盡作譜之義矣  
竊稽李氏之先肇起麗季代有其人而隱德韞諸身忠勤著  
於國蓋其所積者厚矣夫以所積之厚而發於來孫則其赫  
世緜瓜之慶亦理之必然者也是以松齋公之文雅大憲公之

風節相踵於家庭而至於退陶先生深究聖學卓冠我東先生之出雖繫天地之運化而其得於積善之餘慶者亦不可誣矣第其盛德大業只傳諸言語而不得施設於當時李氏之食其報蓋未盡也其能興起於先生之風而追配先生之道者又豈無其人歟噫八九年來戈鋌蒲國名門巨閥舉入斬伐之中而李氏之族獨得其全開卷盈目千百無恙豈非先靈之陰護有不期然而然者耶今其子孫皆與於是譜之中而宛若承歡於膝下所謂孝悌之心油然而生者正在今日若或失其本心而不能體行顧何以見先靈於泉壤耶然則其子孫者將若之何能以此作譜之意存之於心而仁睦其

爲族則其庶乎可免矣萬曆庚子七月上澣嘉義大夫前忠  
清道觀察使兼兵馬水軍節度使金玘謹識

萬曆庚子夏真城李氏族譜鏤板訖李正郎詠道謂余曰吾  
家譜粵自亡兄在世撰錄已久今乃繡諸梓請記一言而序  
之余以真城外裔逮事先祖妣獲聞其先世家風義方之訓  
其來源遠故世稱睦族必以李家爲先及今見譜圖私心竊  
慰幸不敢以不文辭謹按李氏諱碩當麗季肇起縣吏中司  
馬官至密直副使自是厥後宗支蕃行綿陔斯茂絪組相映  
蔚爲巨族而詩書之澤愈永忠孝之傳不替善山公從征懋  
功莅民治聲顯時照後判書公超然塵表卜宅清幽秘境誕

申家聲至於松齋公清詩襟韻秀流輩而推重大憲公斥奸  
風采玉崑炎而彌貞矧又退陶先生道德文章星斗于天著  
龜于世是則關五百之運後考亭之一人雖若不但爲一門  
之私慶而倘非先世種德累仁旣根濤源安能繼世篤種萃  
間世之賢於一家如此其盛也第惟密直公以上潛德未顯  
世系無徵則公實爲李氏之第一祖也故今譜圖始公爲一  
代公有二子諱子脩子芳而子芳則子孫未可詳至孫諱云  
具云侯分爲二派至今二百有二十餘年而內外雲仍散居  
布蒲世斬總絕非但不知族系之所自並生相遇視之若路  
人豈不重可痛哉而譜圖之作所不得已也披圖而認親疎

尋行而識尊卑派分萬別會之一本心已孚於未見情益敦  
於既覲不勞三物之教而油然良性德自歸厚此古人之所  
以拳拳於辨姓氏圖族譜而今日諸君盡力刊布之意其不  
在斯歟譜因舊撰而今更廣詢博訪增新刊訛分爲三卷以  
前縣監李庭檜進士李亨男幼學李有道讐校董役正郎李  
詠道實管其事皆是善山公之後而庭檜氏卽繼七世宗孫  
也收米布於近地子孫中爲工餼費俟陶山文集垂畢而倩  
移刻手趙月川士敬丈議諸士曰先生之道孝悌而已今刊  
先生文集于書院而並刻先生世系族圖使名在譜中者皆  
知先生之道之所在期無忝爾先祖則吾儕尊師之道於斯

盡矣於是材取餘而有裕工曾鳩以仍事纔閱月而斷手何其不多費力而做得十二代創修重事如是其易也噫先生之德之學一世之士旣已心醉骨浹而門下士如月川諸君子際此兵塵未靜汲汲焉以刊行遺文爲已任遠邇聞風匠徒子來助費雲委辦此斯文盛舉期年而已了是孰使之然哉斯豈非垂裕積厚天陰相之乃大闡其報於先生而族譜之成若有待於今日其視他家譜牒必藉官力區區輟集僅能就者相去遠矣此不可以不識而凡爲子孫者盍各益懋厥修以不墜家傳一脉以無負刊圖本意也哉是歲之遯月上澣後孫通政大夫前掌隸院判決事吳灃謹書

天

眞寶李氏世譜卷之一

一世

始祖碩

起眞寶縣吏  
中生員試以  
子子脩貴  
贈密直副使  
忌三月三日  
墓縣南岐谷  
癸坐有碣配  
松生金氏父  
戶長玄忌二  
月九日繼失  
姓氏墓並同  
原

二世

子子脩

高麗忠穆朝  
至順元年庚  
午明書業及  
第恭愍王朝  
至正二十四  
年甲辰見任  
奉常大夫知  
春州事追論  
至正二十二  
年平定紅賊  
功賜安社功  
臣號封松安  
君洪武十五  
年壬戌十一  
月二十五日  
爲通憲大夫

三世

子云具

通政大夫工  
曹參議墓周  
村望芝山艮  
坐配淑夫人  
安東權氏墓  
耐有碣傍孫  
宗洙撰

四世

子養恭

子養儉

郡守卒正月  
十一日墓安  
東府南猪栗  
谷艮坐配安  
東權氏忌正  
月七日墓連  
封有碣傍孫  
宗洙撰  
子養浩  
后死

五世

子思聃

子希聃

女孫祥

子基聃

子如聃

子從聃

女裴孝

后无 后无

譜之作奚但爲序昭穆辨派系而已乎哉家之譜猶國之史  
史者不過年代國都興亡治亂之所紀也其據實纂事之際  
禍福殃慶是非邪正善惡更千百載若龜燭明也善觀史者  
於此而知微之顯始之終焉噫譜亦一家史也其尊祖敬宗  
規模常例之外子孫之繁替世代之延促亦豈無善觀者能  
審其所以然之故也吾東士大夫家莫不有譜而吾宗獨闕  
焉陶山譜出於士林而鵝湖譜又廢而不用遲歲宗人后山  
宗洙氏有慨於是裒收諸派單牒聚精殫心粵八年而草本  
成旣付諸有司責劄劂而托霞洞龜書氏與不佞使卒其事  
因以是歲而歿嗚呼此翁自早歲刻意向上一七十年如一日

而平生實工於一譜事亦可驗耳其意豈豈爲昭穆派系序  
辨而止乎吾族貧無財以活代刻而歲周後始克成弁文屬  
於晚谷趙友刊事有司存焉先世德美列祖行蹟及凡例節  
目俱詳於諸先輩前譜中序若撰不佞更欲何言也烏乎吾  
族代不蒲二十而宗支漸繁其間有道德文章氣節名位科  
宦之可以矜式百世輝映一時者不可勝紀目今冠而存者  
已百千數噫觀於今日之盛而其根之茂積之厚可知也已  
吾始祖以縣吏登國庠常家居聞主官角聲輒下堂拜跪追  
惟當日處心不少虛假無所爲而爲之其後安得不昌而大  
也烏乎凡我諸族皆是吾始祖孫也苟爲吾祖孫者苟不體

吾祖之處心則非但吾祖之不肯曰予有孫其禍福殃慶之  
報亦與吾祖相反從今百歲後善觀者眼藏其將若之何也  
於乎以一人之身分爲千萬其貧富貴賤壽夭興滅又隨而  
不齊今考數十代已往之迹可占千萬歲未來之事此吾譜  
之所以作也爲吾李讀吾譜者必究其所以然之故則各自  
反於其身而無怨於人亦必爲懲創勸戒之一道矣戊午清  
和節十四世孫鎮東諄跋